

永平府志

吾聞一代經紀之所主德澤
之所被以及人物之興替守之之
賢否能詳史冊之所未得詳
使賢者觀感真起得以因地
制宜因民善俗則皆於志是
邦焉是志也固輔治之書也
壬辰仲秋翁欽承

翼命生守永平夙夜祗懼恐鰥一殿
職所憂風俗淳美人民億萬加
以年穀順成咸樂豐亨而諸

序

生緒歌酒讀彬々稱盛於以考
山川風土稽沿革典廢即今証昔
永郡志披閱之也後嘆我

朝培養之久涵濡之深固已著斯

其極也舊志自康熙辛亥年郡
守張公重修後距今已六十餘年
矣且採取區擇牽連失接核
之古書固率於文直事核之言
矧六十餘年事蹟宜增入茲凡載
又四十年其散而無考者山長菊

莊王君江左績學士也清董其事永懷志鑒為八門條目各以類附凡區其訛刪其謬補其遺已折其糾紛者從俱詳於例言甫從稟付梓翰廷仰荷聖恩權授松太監司未及詳加校正而事其章程已定大司成全賴賢太守之克諒其事也嗚呼北平自弘治風逆烽火蹂躪民生不遂匪一古也閱數千年

序

聖人出四海一而北平更近

盛京我

聖祖仁皇帝鑒典屢經

皇上兩度

駐蹕

闔澤覃敷

湛恩汪濊

宸章用申

右文之化白叟黃童熙々皞々
陶鎔於禮樂詩書非徒安於耕

鑿而已吾故因舊志考古徵今
輯為宣錄俾茲斯土者承流
宣化庶使七邑士君子志疆域奠
安山川効靈賢材輩出風俗敦
龐与夫孝義忠烈之不可殫紀
者皆卒生

聖人重熙累洽之時于以沐浴詠歌
不忘也其於治道詎云補苴耳
余修志之意亦惟與余之職
也夫

序

直隸永平府知府加三級
古為孝奉翰謄序



古者列國必有史今之郡卽古之國一郡之志卽一國之史永平爲墨台氏故封昌黎先世橫渠後昆成在封內是古聖賢之邦也自遼金元先後爭據載籍泯闕明興定都於燕永爲東輔郡遂爾文獻赳赳焉予來守永欲明習一方事因取郡志披閱之宏治十四年郡張行人纂者簡而該萬歷十九年閩郭文學修者博而賅刪繁補闕可爲全書遂集郡貢士及博士弟子員爲之適豫章涂印元來登碣石謁孤竹有子長風子愛其手註會旨刻之因商確郡志涂子曰春秋詳內而畧外義精而體當若後世之書有

永平府志

卷之首 舊序

一

簡有博簡者闕博者繁闕則失義繁則傷體義失鮮史學體傷乏史才此春秋之爲絕筆也予嘉其議而屬之涂子筆則直心則虛出入張郭二書參取州縣諸乘而編摩筆削之至政蹟行誼必於郡縉紳先生是徵自巳亥閏四月迄秋八月而稿脫首圖者七爲卷者十爲綱者八爲目者五十有七編年以著沿革列傳以敘事實備述以廣記睹不闕而核不繁而賅於義無失於體無傷此志旣成永平之疆域剏置政事文章風俗人物可以傳世不泯而後之稱信史者必曰永志云萬歷巳亥河南按察司副使管永平府事東齊徐準撰

周官詔觀事則有志詔地事則有圖厥典重哉北平負山
帶河雄稱四塞屹然京陵左馮翊其地觴重地重而典滋
重矣郡宏治辛酉有張志什一厘存越八十四禩爲萬歷
辛卯有郭志包舉容蓋之繁挾闡今昔之奧臚陳畛列若
開玉府而璜璫璋爛焉畢具第連類沈洋遠者歎浩汗
而難收近者苦極目而難竟俾畿左外史識者莫睹大全
雖元圃積玉無所用之嗟嗟載籍掛漏而不廣擴窮搜則
疎疎則前守責也載籍博括而不約取中窾則贅贅則今
守責也新城徐公憂之曰守責弗修是遽廬守也某曷敢
廼愍神揅思損舊益新且求海內多聞者得江右隱君涂
永平府志

卷之首

卷之首

二

公國柱遂董其事志爲十卷圖七綱八目五十七天時地
利并大故首象方建置政教肇自官師故政事職官次之
地因人靈文章蔚焉故選舉人物藝苑又次之至備述祥
異時務亦旁綜者所不廢也志成命不佞瑜敘簡端瑜觀
其體裁合集取舍中規允爲一方文獻焉夫徐公奮跡鄒
魯以經術經世務章縫斐然嚮風且也四三年來海氛震
鄰天灾虐野苦兵苦運苦賑公膏雨吾土酌泉不媿二清
以故刑平政餘六屬赤子依之身爲志也凡諸廢置沿革
不及行載筆而存之言爲志也身志言志且不煩彫章縉
采豈好爲更張已邪不則龍門待嗣續而卒業眉山以雁

行而成書是役也搦札未逾歲含毫不數人驟而托於不朽者之林則志非難志志者之難也觀者因文識意并登志之所以不朽者何在卽繇茲而睹大全可也萬歷己亥兵科給事中前翰林院庶吉士郡人白瑜撰

郡有乘其昉于國史之遺乎永平偏壤屬孤竹故封古文物衣冠地也嗣以金元竊據幾百年所迫我明混一寰宇置關設衛爰稱雄鎮爲神京左協然障塞一垣瀕海百里許尤東北要劇之區不佞承乏於茲去城陷時未久睹其民生凋瘵里戶單虛賦役繁苛風俗偷薄竊有慨焉更以羽檄交馳卽荒垣三百餘里儘費拮据日奔走於疎烟斷永平府志

卷之首

舊序

三

草之中猶不暇給無問勞勞郡治矣夫去故者新難圖憑虛者實愈遠天下事不可以臆任昭昭也是故考時者證變度地者覽勝觀風者驗治論世者定宗凡所轄之山川井邑戶口土田人物食貨建置興除暨于城郭溝塗郵傳甲兵民風吏治咸筆之書者所以述往古詔來茲得失之林鑒戒係焉勿可後也宜直指韓公甫入境亟以郡志下詢也郡故有志已巳之變火爲梨災搜之者舊僅得原本乃知經剗刪者二而前劉公謀以繕之爲郡侯擢去不果茲者關中李侯雅有同心博諮廣採補其闕遺分綱析目于疆域物力屯社戎政則加詳焉累月告成屬予爲序夫

徐公熊公再序原本亦既該矣余復何言惟是披覽之餘
繇今思昔不能無感於斯志也嗟嗟戶口昔登今耗賦役
昔簡今繁風俗昔厚今偷人才昔隆今替郡固偏壤乎然
而天下之盛衰一隅之積也一隅之盛衰天下之漸也盛
衰之數在天而致之誠在人考之則在書也書也者政之
所自出也後之君子蒞斯土讀斯志睹邊境則思握險控
御巡鑿壹縻之事徵人用則思愛養制節盈縮損益之宜
未病而調羹無逸策庶寒谷春生涸轍波廻有望乎不然
徒曰紀故實備採風也殆匪爲志者之志矣崇正壬午整
飭永平等處監軍兵備道陸安姚恭撰

志修成兵亂
失稿未刊

永平府志

卷之首

舊序

四

燕京之郡有八而永平在薊之東北古云遼西卽其地也
負山帶河險固四塞昔曹公北伐烏桓出盧龍塞經白檀
登白狼望柳城殆所謂踞上游者歟其間分野灾祥山川
土田官師人物固彬彬乎三才具備也歷宋元明皆詳於
所志矣至我

清定鼎以來兵火旣更舊籍殘落余於康熙二年過故里
有韓生者以修志請余曰永平雖處偏隅亦一代文憲事
也遂捐資助之并命大叅宋君竣其事無何工未成而宋
君擢浙臬并攜板而南無何工未竟而宋君又以坐事罷
矣余曰事豈可以已哉復遣人往浙取板來京師仍發永

平冀續纂其集迄數年竟無有起而參考者余每爲之三歎曰永平雖蕞爾郡而置險設兵控扼西北屹然一巨鎮矣地靈起而人傑輩出冠帶烏履之盛蓋殷殷焉豈千百
年以來至今日而可失其傳乎庚戌冬適有楊生來謁因
道前修志事余曰是予之初志也乃思永平郡丞羅君者
余門人也卽郵札致之命董理其工謂斯集之成藉以不
朽者君之力也而羅君踴躍從事不數月而厥功告成矣
夫古者千乘之國與附庸之邦皆有史官以掌記時事第
不過君卿大夫言動之一端而所謂分野灾祥山川土田
官師人物之類意別有圖籍以主之今志則無不燦列矣

永平府志

卷之首

舊序

五

是故古史之失在畧而今志之得在詳也後之採風者覽
其遺文而一代典章名物之盛不旣犁然具備也哉余故
喜而爲之序康熙庚戌總督淮揚等處地方提督漕運海
防軍務兼理糧餉兵部尙書兼都察院左副都御史蔡士
英撰

古郡國皆有風採之輜軒以徵土俗皆有乘紀之太史以
傳人物班孟堅易八書爲十志志之名肇此焉劉子芝述
書十品而郡書地理居二郡書詳於人地理詳於境後世
兼而載之善哉邱文莊之有言也世有千載不刊之書無
百年不葺之志蓋志兼史以行者也大則疆域建置賦役

風謠小則災祥品秩往蹟遺徽非旁綜廣攬則湮佚靡該
非慎核精搜則名實易謬江文通所謂修史之難無過於
志況官師之增改戶口之繁減令甲政教之損益月易而
歲不同不及時補綴曷詔後來歟北平馮翌重鎮清聖故
封之地爲 神京左輔郡乘罹亂久失前守彭公求觀察
宋公修輯原稿爰以壽綬迄今又十鑽新火矣其間
鑾輿雲罕之朝

陵蒐獵

駐蹕嚴疆龍驤分守之建置營房徼巡固圉皆未記于前

冊猶爲急務不佞自丙辰之冬來守此土閱歲政通人和

永平府志

卷之首

舊序

六

年無祲敗簿書稍暇於是咨詢紳掖改稽邑乘博不厭精
約不傷刻數月而告成帙以副文宗允托之盛心俾後賢
披覽此志景慕勝舉因之興繕備敗課士育材用繼不佞
尊聖娛神崇文毓秀之苦心陽山灤水其式憑之康熙已
未中憲大夫直隸永平府知府三韓常文魁撰

經不欲詳史不欲簡余之者志也夏書所載禹八年治水
九州作貢之文不滿百行夫子修春秋皆經國大訓人有
微而不名事有小而不紀以是知經之不欲詳也且夫子
敘書斷自堯舜而太史公作史記則遠述軒皇歐陽文忠
尙論五代之際雖滑稽小說有所不遺以是知史之不欲

簡也然則志何以兼之昔明人作一統志詳書風俗政事而畧於文章意者其有得於此乎永平志自萊陽宋觀察刊定以來終今五十餘年未經修輯采風者憂之方今主上勵精圖治省耕省歛之使不絕於路閔蝗閔雨之詔頻下於庭又嘗

命館閣之臣錄子史之精華輯皇輿之表鑑以備

乙夜之覽恭惟

天子大聖一日萬幾且猶孜孜汲汲考鏡古今以求通天下之情如此其至也然則有天下者憂天下有官守者憂官守亦固其所予承乏永平五年於此矣上之不能修明

永平府志

卷之首

舊序

七

教化襄贊太平之治次之不能親歷田間問民疾苦宣上德意下之有司一掌故之書亦復殘闕不舉庸非官守之戾歟緣積退食餘工考前事之得失刺民間之利弊稽於官謀於野諮諏於士大夫家凡所謂五十年來未經補綴者悉書于策苟完一郡之章程留俟職方之采取蓋放乎史之意而不欲簡也然不敢誇多而闕靡也有若孟姜哭城湘子遺影飛將軍射石之類事涉不經無關吏治或存而弗辨或削而不書夫亦遵乎經之旨而不欲詳也其節孝之事蹟獨加詳者以意在勵民可垂世範也吾因之且有感矣士生斯世狃於科舉之習爭爲無用之文一切

經世之學廢而不講一旦得志於有司見用於

皇家寄之一官而授之以政匪執滯而不達則迂濶而難行王荊公有言經術所以經世務予嘗推其意而廣之曰經世之道存乎經用世之鑒存乎史通世之情存乎志志也者爲政之先資也蓋可以忽乎哉明初有岢嵐學正山陰教諭二人給由至京師孝陵召問民間事皆對不知孝陵怒曰宋儒胡瑗爲湖州教授其訓諸生兼以時務聖賢之道所以濟世也民情不知則所教何事由此觀之古之爲人臣者雖居清閒冷落猶以民事爲已任否則人主亦將加之以罪史臣書之以爲後戒而況其號爲長民者哉

永平府志

卷之首

舊序

八

是志之成也學博徐香胡仁濟實相與討論之宜著其勤爲來者勸康熙辛卯大中大夫直隸永平府知府東越張朝琮撰

歷代修志姓氏

明宏治辛酉郡守江都吳公傑訪搆舊志殘缺舛訛乃屬致仕行人張廷綱廣文吳祺率諸生修輯府志

萬歷辛卯副使歸善葉公夢熊聘舊門下生閩人郭造卿修府志時郡守山左陳公維城與郡司理烏城沈公之鎰同爲修輯

萬歷己亥郡守新城徐公準屬豫章隱君涂國柱修輯府志

崇正壬午郡守三原李公在公因郡志遭己巳火災復廣採補輯志成又值兵亂失稿未刊

永平府志

卷之首

修志姓氏

一

國朝順治戊戌觀察副使萊陽宋公琬撰輯府志二十三卷郡守宜興路公遴叅校後遼陽彭公士聖訂梓

康熙戊申郡丞壽州梁公泰來屬山海衛教授錢裕國修輯

康熙庚戌漕運總督郡人蔡公士英屬郡丞曾稽羅公京董理刊刻府志

康熙己未郡守三韓常公文魁屬郡紳汪淑問管聲揚孫如林貢士韓鼎業翟鳳翥及楊生新鼎修補府志
康熙庚寅郡守蕭山張公朝琮委府學訓導徐香盧龍縣學教諭胡仁濟續修府志

新修永平府志職名

總裁

特署永平府知府今陞江南松太道李奉翰

香林奉天正藍旗人監生

特授永平府知府顧學潮

小韓江南元和縣人副貢

總修

敬勝書院山長候選知縣王金英

菊莊江南江寧縣人壬午舉人

分修

永平府學教授王家幹

蓮溪順天昌平州人丙戌進士

盧龍縣學教諭丁廷輔

遠亭順天大興縣人己卯舉人

昌黎縣學訓導郭鉉俊

茗仙順天大興縣人庚午舉人

永平府志

卷之首

修志職名

二

監

生蔡瓶福

夢堂奉天正白旗人

叅訂

灤州知州今陞定州直隸州知州孔傳瀛

翰青山東曲阜縣人廩貢

灤州知州王述曾

希沂貴州貴陽縣人附貢

盧龍縣知縣胡淳

彬如貴州修文縣人辛酉舉人

遷安縣知縣今陞蔚州知州靳榮藩

萊溪山西黎城縣人戊辰進士

遷安縣知縣今陞陝西寧羌州知州熊道階

屈堂湖南巴陵縣人壬申進士

遷安縣知縣喬鍾吳

鷗村江南上海縣人癸未進士

撫寧縣知縣陳鍾琛

紫岱廣西臨桂縣人己卯舉人

撫寧縣知縣張若瀛

春堂安徽桐城縣人監生

昌黎縣知縣單燾梅嶼山東高密縣人庚辰舉人

樂亭縣知縣趙大經春澗山東德州人戊子舉人

臨榆縣知縣今陞四川涪州知州陶淑韋齊江西南城縣人丁丑進士

臨榆縣知縣邢標屏山浙江山陰縣人

校錄

廩膳生衛理元灤州人

廩膳生宋文蔚樂亭人

廩膳生李美盧龍人

增廣生孫廷玉撫寧人

附生沈永邁臨榆人

永平府志 卷之首 修志職名 三

附生齊逢年昌黎人

例言

一原志不分綱目究無統括今以八門爲綱曰封域曰建置曰賦役曰學校曰官師曰選舉曰人物曰藝文其條目則各以類從大約倣康對山先生武功志之式而別出藝文一門以便檢閱也

一永平爲

盛京孔道

聖祖仁皇帝鑾輿屢經

皇上聖駕亦兩度

駐蹕

永平府志

卷之首

例言

恩賚沛如雨露

宸章昭於日星敬謹備錄冠之卷首其原志首冊世紀一卷改爲紀事附於封域志之後

一原志沿革概錄前史地理志如漢則直抄漢書北平遼西兩郡所屬縣漫不分別何縣爲今府地茲詳考更變之由務在切實著明其星野災祥原志徵引亦多泛溢如日蝕星變第以纏度在箕尾遂聯篇書之於義無當茲採其有關斯地者否則刪之

一原志山川牽涉成片觀者茫然今某山某水各爲一條其道里遠近名號更易皆詳加考訂不致牽混

一原志風俗多載鄙事我

國家誕敷文教百數十載邊徼之民靡不蒸蒸向化革薄從忠今謹按時事訂正勿涉褒譏

一物產向多泛列今只載地之特出者或他郡同有而此地更廣者餘悉從畧其見諸史冊者姑附以備考

一原志邊防軍衛多沿明季志書之舊按之時勢迥不相侔我

朝中外一家衆志成城營制較減於昔時守禦更嚴於邊地茲就現在者載入期於簡明便覽也

一原志有大寧考一卷蓋本郭建初之舊謂大寧無考當永平府志

卷之首

例言

二

附載於永平之志然往古之事既難盡存徼外之形亦難周訾今摘其大要附於建置之末

一賦役志依賦役全書及乾隆三十五六年奏銷冊參核載入其經費之已裁者則刪之而以鹽法附於後若

永平之漕運非惟今所不行卽欲存其說而河道變遷亦難執以相繩故不另立條目而敘其畧於海防之後

一學校志以闕里文獻考爲本備載祀典及一切制度以資博覽而書院義學所以匡輔庠序故並著於篇

一古之列爵建官其治國一也而南北朝以下封爵則以空名繫之並不實治其地然名亦不可廢今仍原編而